

Etërit e Kishës për Pendimin

Sa më sinqerisht t'i rrëfejmë tona, aq më shumë do të qetësohet shpirti ynë më pas. Sepse mëkatet janë gjarpërinj të fshehur, brejnë zemrën e njeriut dhe kurrë nuk i japin atij qetësi, a to janë gjemba të mprehtë, që vazhdimisht coptojnë shpirtin, ato janë errësirë shpirtërore.

Shën Joani i Kronshtadit

“Është veçori e enjgëjve të mos bien dhe madje, siç thotë dikush, është krejtësisht e pamundur për ta të bien. Është veçori e njerëzve të bien dhe të ngrihen përsëri sa here që bien. Por është veçori e demonëve dhe e demonëve vetëm, që të mos ngrihen pasi kanë rënë.”

Shën Joani i Shkallës

Pendimi (metanoia) është i dobishëm në të gjitha kohët dhe në të gjithë njerëzit, për mëkatarët si dhe për të drejtët, që kërkojnë shpëtim. Nuk ka kufi tek përsosja, sepse edhe përsosja e më të përsosurit nuk është gjë veçse mospërsosja. Prandaj, deri në momentin e vdekjes as koha, dhe as veprat e përsosjes nuk mund të jenë kurrë të plota.

Shën Isaku i Sirisë

Bëj diçka që mundesh që të mos biesh; sepse atleti më i forte nuk duhet të bjerë. Por nëse ju rrëzoheni, ngrihuni përsëri dhe vazhdoni garën. Edhe nëse rrëzoheni njëmijë here... ngrihuni çdo herë dhe vazhdoni ta bëni këtë deri në ditën e vdekjes suaj. Sepse është shkruar: “nëse një njeri i drejtë do të rrëzohet shtatë here – që do të thotë vazhdimish gjatë jetës së tij – shtatë here do të ngrihet përsëri”.

Shën Joani i Karpathos

Të mëkatosh është njerëzore, të pendohesh është hyjnore.

Anonim

Asnjë mëkat nuk është aq i madh sa të mposhtë zemërgjerësinë e Zotit. Edhe nëse dikush është kurvar apo kurorëshkelës... fuqia e dhuratës dhe dashuria e Zotit janë aq të mëdha sa t'i zhdukin këto mëkate dhe të bëjnë mëkatarin të shkëlqejë më shumë se rrezet e diellit... Vetë Krishti duke iu drejtuar tërë races njerëzore tha: “Ejani tek unë të gjithë ju të ngarkuarit dhe të munduarit, dhe unë do t'ju jap pushim...” Dhe shih se kë Ai thërret! Ata që kanë kaluar jetën në thyerjen e ligjit, ata që janë të ngarkuar me mëkatet e tyre, ata të cilët nuk mund më të ngrenë kokat e tyre, ata që janë mbuluar me turp, ata që s'mund të flasin më. Dhe përse i thërret ata? Jo për t'u kerkuar llogari, as për t'u bërë gjyq. Po përse? T'i lirojë nga dhimbjet, t'u heqë barren e rendë. Ç'mund të jetë barrë më e rëndë se barra e mëkatit?... “Unë do t'ju jap çlodhje juve që jeni mbytur nga mëkati” thotë Ai “dhe juve që jeni kërrusur nga barra e rendë. Unë do t'ju jap ndjesën për mëkatet tuaja. Vetëm ejani tek unë!”

Shën Joan Gojarti